

Drughèe.....Fundaghèe

In un paes, s luntà nel pasà, gh' era un negosi de drughèe,
negosi ch' el vendiva un po de tot, specialment certi rop de alter post.
Ai lati del' entrada, scrivù in negar sura di toch de lamera bianca,
quel che vendiva al negosi, saunèt, candegina, spaseton,
spaseten, dentifriss, lisciva, perburà....e un' altra infinità de rop,
per netà tutaa cà....al negusiant al sembrava verament catiff,
l' era la sua immagin de grandèsa, scafaladur, tanti prudot
tàca via, che pendivan in bèla mostra aj client.....

Pajet, sidej, mastej, ma sembrava da vidè un gran basar,
ogni tant al scumpariva dal negosi, e a rivava cunt la merce cumandada,
scatul de pulver per lavà pagn e piatt, certi droghi de cusina,
barilòt e sidej per lavà in un quej foss, ga mancava propri nient.
Caramèl, liqueresia, farina de castegn, e ciculàt, per l' alegria di bagaj.

“ Sciur drughèe, ma ucor un piasèe, go bisogn d' una sidèla
pitost grosa, per di miste particular, a ghi un mudel de fam vidèe? “

“ Se ta ghet bisogn de fa, un rop inscè a ga lo no, però
te cunsili de ciapà duu sidèl che ta fet menu fadiga “

Al negosi l' era verament particular, per ch' el paess del pasà,
là cuntentà tanti generasion, de grant e picinen, forsi ghè
a mo chi el se ricorda de sto drughèe, mah, chisà sa l' è insce.....
son riturnà in che la via, i toch de lamera bianca gh' eran a mò,
la saracinesca l' era sbasada, o capì al significà.....
la lamera l' è rimasta anca mò per poch, po anca quèla
l' è sparida.....in sol mur, ghè no restà, gnanca al so pasàa.

19-10-2017